

中晚唐诗叩弹集





2 034 1919 4

中晚唐诗叩弹集

下册

杜紫纶 杜诒穀 撰

北京市中国书店



中晚唐詩叩彈集卷第九

錫山杜 詔紫綸

集

秀水杜庭珠 詒穀

趙 嘏

字承祐山陽人會昌三年進士為詩瞻美多興味牧之愛其長笛一聲人倚樓句吟歎不已人因目為趙倚樓宰相李回嘗薦之大中間授渭南尉卒時以其詩有早晚粗酬身事了水邊歸去一閒人為終渭南兆云

汾上宴別

品彙作許渾

雲物如故鄉山川知異路年來未歸客馬上春欲暮
一尊花下酒殘日水西樹不待管弦終搖鞭背花去
書齋雪後

擁褐坐茅檐春晴喜初日微風入桃徑爽氣歸縹帙

頻時苦風雪就景理巾櫛樹暖高鳥來窗閒曙雲出
鄉遙路難越道蹇時易失欲靜又不能東山負芝朮

昔昔鹽二十首

庭珠按樂府隋薛道衡有昔昔
鹽趙嘏廣之爲二十章今選四

薜蘿葉復齊

提筐紅葉下度日采薜蘿掬翠香盈袖看花憶故夫
葉齊誰復見風暖恨偏孤一被春光累容顏與昔殊

采桑秦氏女

南陌采桑出誰知妾姓秦獨憐傾國貌不負早鶯春
珠履盪花溼籠鉤折桂新使君那駐馬自有侍中人
空梁落燕泥

春至今朝燕花時伴獨啼斜飛珠箔隔語近畫梁低

帷卷閒窺戶牀空暗落泥誰能長對此雙去復雙棲
那能惜馬蹄

雲中路杳杳江畔草萋萋妾久垂珠淚君何惜馬蹄
邊風悲晚角營月怨春顰未道休爭戰愁睂又復低

越中寺居

遲客疎林下斜溪小艇通野橋連寺月高竹半樓風
水靜魚吹浪枝閒鳥下空數峰相向綠日夕郡城東

江邊

終日勞車馬江邊款竹扉殘花春浪闊小酒故人稀
戍鼓客帆遠津雲夕照微何由兄與弟俱及暮潮歸

東歸道中

平生事行役今日始知非歲月老將至江湖春未歸
傳家有天爵主祭用儒衣何必勞知己無名亦息機

經無錫縣醉後吟

客過無名姓扁舟繫柳陰窮秋南國淚殘月故鄉心
京洛衣塵在江湖酒病深何須覓陶令乘醉自橫琴

洛中逢盧郢歸觀

不堪俱失意相送出東周緣切倚門戀倍添爲客愁
春山和雪靜寒水帶冰流別後期君處靈原紫閣秋

送權先輩歸觀信安

庭珠按信安
今衢州府

衣綵獨歸去一枝蘭更香馬嘶芳草渡門掩百花塘
野色亭臺晚灘聲枕簟涼小齋松島上重拂讀書牀

送韋處士歸省朔方

暎柳見行色故山當落暉
青雲知己歿白首一身歸
滿袖蕭關雨連沙塞雁飛
到家翻有喜借取老萊衣
長安秋夕

雲物淒清拂曙流漢家宮闕動高秋
殘星幾點雁橫塞長笛一聲人倚樓
紫豔半開籬菊靜紅衣落盡渚蓮愁
鱸魚正美不歸去空戴南冠學楚囚

東望

楚江橫在草堂前楊柳洲邊載酒船
兩見梨花歸不得每逢寒食一潸然
斜陽映閣山當寺微綠含風樹滿川
同郡故人攀桂盡把詩吟向次寥天

長安日夜與友生話故山

宅邊秋水浸苔磯
日日持竿去不歸
楊柳風多潮未落
蒹葭霜在雁初飛
重嘶匹馬吟紅葉
却聽疎鐘憶翠微
今夜秦城滿樓月
故人相見一霑衣

憶山陽

即淮陰

家在校臯舊宅邊

庭珠按漢校臯字少孺乘子淮陰人

竹軒晴與楚波連
菱

荷香繞垂鞭
袖楊柳風橫弄笛船
城礙十洲煙
島路寺臨千頃夕
陽川可憐時節堪歸去
花落猿啼又一年

曲江春望懷江南故人

杜若洲邊人未歸
水寒煙煖想柴扉
故園何處風吹

柳一雁南來雪滿衣目極思隨原草徧浪高書到海
門稀此時愁望情多少萬里春流繞釣磯

發剡中

正懷何謝俯長流更覽餘封識嵯州

詔按元和郡縣志唐武德四年以剡爲嵯州

樹色老依官舍晚溪聲涼傍客衣秋南巖氣爽橫郭
郭天姥雲晴拂寺樓日莫不堪還上馬蓼花風起路
悠悠

登安陸西樓

樓上華筵日日開眼前人事祇堪哀征車自入紅塵
去遠水長穿綠樹來雲雨暗更歌舞伴山川不盡別
離杯無由并寫春風恨欲下鄖城首重回

經漢武泉

〔詔按〕長安志：敦化坊曲江，西有泉，俗謂之漢武泉。

芙蓉池苑起清秋，漢武泉聲落御溝。
他日江山映蓬鬢，二年楊柳別漁舟。
竹間駐馬題詩去，物外何人識醉遊。
盡把歸心付紅葉，晚來隨水向東流。

獻淮南李相公

傳巖高靜見台星，廟略當時討不庭。
萬里有雲歸碧落，百川無浪到滄溟。
軍中老將傳兵術，江上諸侯受政經。
聞道國人思再入，鎔金新鑄霍儀形。

答友人

詩家才子酒家仙，遊宦曾依積水邊。
窗戶動搖三島樹，琴尊安穩五湖船。
羅浮道士分瓊液，錦席佳人豔

楚蓮今日相逢朗吟罷滿城砧杵一燈前

寄淮南幕中劉員外

郎官何遜最風流愛月憐山不下樓
三佐戎旃換朱紱一辭蘭省見清秋
桂生巖石本瀟灑
雀到煙空更自由
休向西齋久閒臥
滿朝傾蓋是依劉

泊棗磯江館

風雪晴來歲欲除孤舟晚下意何如
如月當軒色湖平後雁斷雲聲客起
初
傍曉管絃何處靜
犯寒楊柳遶津疎
三間茅屋東溪上
歸去生涯竹與書

送僧歸廬山

禪棲忽憶五峰遊去著方袍謝列侯
花啓樓臺千葉

曙錫含風雨一枝秋題詩片石侵雲在洗鉢泉香覆
菊流却憶前年別師處馬嘶殘月虎溪頭

平戎

時諫官諭北虜未回天
德軍帥請修城備之

邊聲一夜殷秋聲牙帳連烽擁萬蹄武帝未能忘塞
北董生纔足使膠西詔按董仲舒傳仲舒以公孫弘爲從
諛弘嫉之乃言於上使相膠西王冰橫曉
渡胡兵合雪滿窮沙漠騎迷自古平戎有良策將軍
不用倚雲梯

降虜

廣武溪頭降虜稀一聲寒角怨金微河湟不在春風
地歌舞空裁雪夜衣鐵馬半嘶邊草去狼煙高映塞
鴻飛揚雄尚白相如吃

詔按揚雄解嘲序雄方草玄有嘲雄以玄之
尚白者而雄解之司馬相如傳相如口吃而善

著書
今日何人從獵歸

送李蘊赴鄭州因獻盧郎中俶

僕射陂西想別時

庭珠按鄭州有僕射陂

滿川晴色見旌旗馬融閒

臥笛聲遠王粲醉吟樓影移幾日賦詩秋水寺經年

草詔白雲司惟君此去人多羨却是恩深自不知

長信宮

君恩已盡欲何歸猶有殘香在舞衣自恨身輕不如
燕春來長繞御簾飛

宮鳥棲

宮鳥棲處玉樓深微月生檐夜夜心香輦不回花自
落春來空佩辟寒金

靈巖寺

館娃宮畔千年寺水閣雲多客到稀聞說春來倍惆
悵百花深處一僧歸

座上獻元相公

紀事云：嘏嘗家於浙西有美姬惑之洎計偕會中元崔林之遊浙帥窺其姬遂奄有之明

年嘏及第因以一絕箴之云云浙帥不自安遣歸之嘏方出關逢於橫水驛姬抱嘏慟哭而卒葬於橫水之陽

寂莫堂前日又曛陽臺去作不歸雲從來聞說沙吒

利

詔按異聞錄韓翃將伎柳氏歸置都下為番將沙吒利所劫

今日青娥屬使君

贈歙州伎

豔豔橫波思有餘庾樓明月隋雲初揚州寒食春風
寺看徧花枝盡不如

經汾陽舊宅

門前不改舊山河破虜曾輕馬伏波今日獨經歌舞
地古槐疎冷夕陽多

庭珠按張籍法雄寺東樓詩汾陽舊宅今爲寺猶有當時歌舞樓觀此則宅已爲寺矣

贈別

水邊秋草暮萋萋欲駐殘陽恨馬蹄曾是管弦同醉
伴一聲歌盡各東西

東亭柳

拂水斜煙一萬條幾隨春色醉河橋不知別後誰攀
折猶自風流勝舞腰

薛逢

字陶臣蒲州人會昌初擢進士第崔鉉入相引直弘文館歷侍御史持
論鯁切以謀略高自標顯有薦逢知制誥者會劉瑑當國忌之乃出爲
巴州刺史復斥蓬縣二州刺史
稍遷祕書監卒有文集行於世

君不見

君不見馬侍中氣吞河朔稱英雄君不見韋太尉二

十年前鎮蜀地

庭珠按馬侍中謂
燧韋太尉謂臯也

一朝冥漠歸下泉功業聲

名兩顛顚奉誠園裏蒿棘生長興街南沙路平

庭珠按
奉誠園

即侍中宅長興
街太尉所居也

當時帶礪在何處今日子孫無地耕或聞羈

旅甘常調簿尉文參各天表清明縱便天使來一把

紙錢風樹杪碑文半缺碑堂摧祁連冢象狐兔開野

花似雪落何處棠梨樹下香風來馬侍中韋太尉盛

去衰來片時事人生倏忽一夢中何必深深固權位

元日樓前觀仗

瞳瞳初日照樓臺漠漠祥雲雉扇開星駐冕旒三殿

曉雲翻珠翠六宮來山呼聖壽煙霞動風轉金章鳥
獸迴欲識普恩無遠近萬方歡抃一聲雷

八月一日駕幸延喜樓看冠帶降戎

唐書吐蕃傳先是祿山之

亂鳳翔之西邠州之北多沒於吐蕃大中三年吐蕃宰相論恐熱以秦原安樂三州及石門等七關來歸於是河隴耆老率長幼千餘人

赴關上御延喜樓觀之解

辦賜冠帶皆抃舞呼萬歲

城頭旭日照闌干城下降戎綵仗攢九陌塵埃千騎

合萬方臣妾一聲歡樓臺乍仰中天易衣服初迴左

衽難清水莫教波浪濁從今赤嶺屬長安

清水縣屬秦川通吐蕃赤嶺道

宣政殿前陪位觀冊順宗憲宗皇帝尊號

宣宗

記上以河湟收復繼成先志追尊順宗曰至德大聖大皇帝孝皇帝憲宗曰昭文彰武大聖孝皇帝御宣政殿行事冊出俯僂目送流涕嗚咽

樓頭鐘鼓遙相催曙色當衙曉仗開孔雀扇分香案